



Universitätsbibliothek Paderborn

**D. Haymo||nis Episcopi Hal-||berstatten[sis] Homiliarum,
nunc sexto || maiori [pro] ante hac unquam dili||gentia
excusarum, || Pars ...**

praeter omnes omnium appendices, accesserunt iam recens homiliæ
aliquot piæ, ante hoc tempus excusæ nusquam

Pars Aestivalis

**Haimo <Altissiodorensis>
Haimo <Halberstadensis>**

Coloniae, 1551

VD16 H 222

Simile est regnum cælorum thesauro abscond. Mat. 13

urn:nbn:de:hbz:466:1-39335

non putatis, filius hominis ueniet,] si ad diem iudicij referemus, manifestum est , quia incertus est omnibus & incognitus sicut ipse dicit in euangelio: De die autem illa & hora nemo scit, neque angelus in celo, neque filius hominis, nisi pater solus . Et iterum: Sicut fuit in diebus Noe, sic erit aduentus filii hominis. Et rursum : Sicut fulgur egreditur ab oriente, & penetrat in occidentem, sic erit aduentus filii hominis. Et post suam resurrectionem, querentibus discipulis ait: Non est uerum nostrae tempora & momenta, quae pater posuit in sua potestate. Hinc Petrus apostolus dicit: Dies domini sic cutetur in nocte, ita ueniet. Sed quod tunc generaliter futurum est omnibus in resurrectione animarum & corporum, quotidie fit singulis animabus. Dum enim non putamus, filius hominis ueniet, quando subita morte præuenti, ipsum habemus terminum peccandi, quem & uiuendi. Et dum mala non deserimus, sed a malis deserimur, seram agimus penitentiam, non attendentes illud quod scriptum est: Ne tardes conuerti ad deum, neque differas de die in diem, ne subito ueniat ira eius, & in tempore uindictæ disperdat te.

DE VIRGINIBVS.

Matth. XIII.

In illo tempore dixit Iesus discipulis suis parabolam hanc : Simile est regnum cœlorum thesauro abscondito in agro, quem qui inuenit homo , abscondit. Et prece gau-

dio illius uadit, & uendit uniuersa quæ habet, & emit agrum illum. Et reliqua.

Virtus & sapientia dei dominus Iesus Christus, non solum ad suscipiendam humanam naturam, hominibus compati dignatus est, sed etiam humanæ ignorantiae condescendens, suis sanctis sermonibus rerum temporalium similitudines frequenter adhibuit, ut ex collatione rerum uisibilium, ad ipsius uisibilium amorem animos audientium incitaret. Vnde cum cælestem gloriam studio se amandum doceret, illarum rerum similitudinem adhibuit, quas homines plurimum diligere solent, dicens: [Simile est regnum cælorum thesauro abscondito in agro, quem qui inuenit homo, abscondit] Vbi thesauri in nomine spiritualiter cælestis patet amor intelligere debemus, ubi sunt diuitiae quæ non deficiunt, thesaurus qui nunquam marescit, ubi nos dominus thesaurizare admonet, iuxta quod alibi loquitur, dicens: Thesaurizate uobis thesauros in cælo, ubi neque ærugo, neque tinea demolitur, & ubi fures non effodiunt, nec furantur. & ubi thesaurus tuus, ibi & cor tuum. Qui profecto thesaurus tanto magis cumulatur, quanto magis temporalis thesaurus atque facultas studiosius pro deo expenditur. Vnde de eo qui thesaurum inuenit, dicitur. [Et præ gaudiū illius uadit, & uendit uniuersa quæ habet, & emit agrum illum.] Ager in quo thesaurus absconditus inuenitur, nos sumus, si tamen in nobis manet cælestis desiderium. Quem ille uenditis omnibus comparat, qui

Matt. 6

AAA iiiij

corpus suum per cælestis patriæ disciplinam affligit in ieunijs, uigilijs & orationibus. Sed & ille agrum cum thesauro inuento, datis oñibus emit, qui crucifigen: membra sua cum uitijs & concupiscentijs Christū sequitur, & quodammodo spū ali uenundatione seipsum mutat, declinando a malo & faciendo bonum Hunc enim thesaurum abs conditum in agro, cuidam dominus emere persua debat cum dicebat: Si uis perfectus esse, uade & uende omnia qua habes, & da pauperibus, & habebis thesaurum in cælo, & ueni, sequere me. Illud autem notandum, quod thesaurus inuentus, custoditur ut seruetur, q̄ tenus intelligamus quam studiose in bono opere uanam gloriam cauere debeamus. Sic estenim præsens uita quasi uia latrones autem iuxta uiam, immundi sunt spiritus, qui illis maxime inuident, quos cum spirituali thesau ro ad cælestem patriam tendere cognoscunt, sicut per prophetam de eorum capite dicitur: Sedet in insidijs cum diuitibus in occultis, ut interficiat innocentes. Illorum ergo diuitias isti latrones rapiunt, qui per inanem iactantiam bona sua opera coram hominibus denudant. Vnde necesse est, ut cum opus bonum exterius agimus, intentionem deo placendi semper in occulto teneamus, iuxta quod ipse nos admonet, dicens: Cum facis eleemosynam, nesciat sinistra tua quid faciat dextera tua. Et iterum: Tu autem cum oraueris, intra in cubiculum: & clauso ostio, ora patrem tuum: & pater tuus qui uidet in abscondito, reddet tibi. Ad accendendum autem mentem in amorem cælestis desiderij, alia similitudo darur cum subinfertur:

Mat. 19.

Psal. 9.

Matt. 6.
Ibid.

Iterum simile est regnum cælorum homini negotiatori, quærenti bonas margaritas: inuēta aut̄ una preciosa margarita, abiit & uendidit omnia quæ habuit, & emit eam.

Vbi preciosæ margaritæ nomine, dulcedo uel claritas æternæ patriæ intelligitur, quæ preciosior eit cunctis preciosis rebus, & suauior omnibus delectationibus. Negotiatores autem spiritualiter nos sumus, q̄ de terrenis facultatibus cælestem gloriam mercari iubemur. Norandum autem quod ait, [uendidit omnia quæ habuit, & emit eam.] quia ille preciosam margaritam unam (id est, cælestem patriam) datis omnibus emit, qui nō solum terrenis facultatibus, sed etiam proprijs renunciat uoluntatibus. Qui uero sua pauperibus tribuit, sed adhuc proprijs uoluntatibus seruit, preciosam margaritam nōdum emit: quia quod carius deo poterat offerre, retinuit. Nō enim deus nostra, sed nos querit, qui terrenam substatiā non nisi propter lucrum animalū dare præcepit. Quia ergo negotiatori bonas margaritas quærenti, bonis q̄ margaritis sumus comparati, seruare debemus in opere quod accepimus in nomine. Et sicut terrenos negotiatores non maris pericula ab officio negocandi prohibent, non latronum infidiae terrent, non asperi casus itineris detinent, non hyemis frigus, non aestatis calor retinet, tantū ut terrenum lucrum acquirere possint: ita & nos qui spirituales sumus negotiatores, ab amore cælestis patriæ nulla mundi blandimenta retineant, nulla eius aduersitas terreat, nec aliqua tribulatio prohibeat.

AAA v

beat, ut preciosam margaritam amantes, cū Apo-
stolo dicere ualeamus: Qui ergo nos separabit a
Rom. 8. charitate Christi? Tribulatio: an angustia: an per-

secutio: an famæ: an nuditas: an periculum: an
gladius: Certus sum aut quia neq; mors, neq; uita,
neq; angeli, neq; principatus, neq; potestates, neq;
instantia, neq; futura, neque fortitudo, neque alti-
tudo, neque profundum, neque creatura alia po-
terit nos separare a charitate dei, quæ est in Chri-
sto Iesu domino nostro. Imitemur & aliud nego-
ciatorum opus. Habent enīe hoc proprium hi,
qui negociandi operibus insistunt, ut si in uno ne-
gocio dampna incurrerint, studiosius negociandi
operibus insistant, quousq; quod in una re perdi-
derunt, in alia acquirant. Ita ergo & nos, si in a-
liquo casu dampnum animæ inciderimus, studiosius
incepto bono operi insistamus, ut quod per ne-
gligentiam amissimus, per bonum opus recuperemus,
quatenus ad præciosæ margaritæ lucrum per-
uenire possimus, & uocem domini audire meream-
ur, dicentis: Euge serue bone & fidelis, quia in-

Mat. 25. paucis fuisti fidelis, supra multa te constitua m, in-
tra in gaudium domini tui. Hæc autem margar-
ita tam chara est, ut nullis terrenis diuitijs possit
comparari: tam uilis, ut sola bona voluntate pos-
sit acquiri. Hanc margaritam preciosam multis fa-
cultatibus Zachæus comparare studuit, qui cum

Luc. 19. huius margaritæ largitorem in domo sua suscepis-
set, præ nimio gaudio dixit: Domine, dimidium
bonorum meorum do pauperibus, & si cui aliqd
tuli, in quadruplum restituo. Hanc quoque mar-
garitam uidua illa duobus æris minutis, in gazo-

phylacio iactatis, comparauit. Cui⁹ precium ipse testis conscientię, dominus scilicet, collaudauit, dicens: Amen dico uobis, quia uidua hæc pauper plus omnibus misit, qui miserunt in gazzophylaciū. Omnes enim ex eo quod abundauit illis, miserunt. hæc uero de penuria sua quod habuit, misit totum uictum suum Huius margarita pulchritudinem beatissima N. cuius hodie festinam celebra mus festinatatem, multis diuitijs datis cōparauit, quando pro eius amore regni potentiam derelinquens, & thorū regalis matrimonij spernens, ad spontaneam paupertatem se contulit. Vnde sine dubio, quia regis terreni coniugium contempst̄, spōsa effecta est regis cælestis: & que noluit cum terreno rege regnare in mundo, regnat cum Christo in cælo. Et quia salutationes & officia refugit regalium ministrorum, ministrat nunc cum Christo coniuncta cœribus angelorum. Et ideo dignū est, ut qui temporalem reginā honore debito ueneramur, hæc dñe acceptam reginam deuotis preciis supplicemus, ut quia nos suo exemplo in nomine Christi congregauim̄, si is nos meritis & orationibus in præsenti uita iucundos efficiat, & in futura acceptos reddat.

Iterum simile est regnum celorum sanguine missę in mare, & ex omni genere piscium congreganti.

Pulchre sagenæ assimilatur ecclesia, quia & pīscatori est commissa, & intra rete fidei q̄tidie homines capit. Sicut enim pīscatorum est, cum sagina de profundis gurgitibus pisces ad littus trahe-

re, sic quotidie ecclesia per doctrinā prēdicatorum de turbulentis & amaris gurgitibus mudi, mentes hominum ad ueram lucem trahere studet. Et quoniam quādiū in plenti uita ecclesia cum bonis colligit & malos, recte de eadem sagena subditur:

Quam cum impleta esset, educentes, & se-
cus littus sedentes, elegerunt bonos in uasa
sua, malos autem foras miserunt.

Vbi cum boni & mali nominantur, præsentis temporis ecclesia designatur. Boni enim soli nusquam sunt nisi in cælo: mali autem nusquam soli sunt, nisi in inferno. Hec autem ecclesia quæ in medio consistit, utriusque patriæ ciues recipit, sicut per Psalmi

Psal. 39. stam dicitur. Annunciaui & locutus sum, multiplicati sunt super numerum. ¶ Vbi considerandum est, quia super numerum electorum modo in ecclesiâ multi reprobi intrare possunt, sed in regnum cælorum non possunt, unde & bene dicitur: [Elegerunt bonos in uasa sua, malos autem foras miserunt.] In quibus uerbis manifeste discretio electorum & reproborum, in fine seculi futura esse ostenditur. Sicut enim mare, seculum: sic littus mari, finē significat seculi. In littore enim sedētes, [elegerūt bonos in uasa sua, malos autem foras miserūt,] quæ in fine seculi electi assumuntur ad gloriā, & reprobi separabuntur ad pœnā, iuxta quod alibi

Luc. 17. dñs ait in euangelio: In illa nocte erunt duo in le
Mat. 24. cto uno, unus assumetur & unus relinquetur: Vnde & exponens dominus similitudinem, a diuinxit:

Sic erit in consummatione seculi. Exibunt angeli, & separabunt malos de medio iusto-

rum, & mittent eos in caminū ignis; ibi erit
fletus & stridor dentium.] Hoc est quod dñs alibi in
euāgeliō dicit, Mittere filius hominis angelus suos, **Mat. 13.**
& colligent de regno eius omnia scandala. Et itē
de zizanijs quē inimicus homo superseminavit tri-
tico, interrogatus ait: Sinite utraq̄ crescere usq; ad
messem, & in tēpore messis dicā messoribus. Colli-
gite primum zizania, & alligate ea in fasciculos ad
comburendum, triticum autem cōgregate in hor-
reū meum. Idipsum est quod alibi dicitur a dño: **Mat. 25.**
Cum sederit filius hominis in sede maiestatis suæ,
congregabūt ut ante eū oēs gentes, & separabit eos
ab inuicē, sicut pastor segregat oves ab hōredis &c.
In eo autem quod subiungit, [Ibi erit fletus & stri-
dor dentium,] manifeste qualitas pœnarum descri-
bitur. Oculi enim præ nimio fumo fluere lachry-
mas solent, dentes uementi frigore stridescere.
Cum uero ait, [Ibi erit fletus & stridor dētium,]
ostendit quia reprobi in gehenna & frigus intole-
rabile, & calorē inestimabilē sustinebunt, iuxta il-
lud quod per beatum Job dicitur: Ad calorem ni-
mium transibunt ab aquis nivium, & usq; ad inse-
ros peccatum illius, obliuiscatur ei⁹ misericordia,
dulcedo illius uermis. Finita autem similitudine,
de eius intellectu saluator discipulos requirit, ostē-
dens pijs magistris, ut alios possint erudire, ali-
quando interrogare debere. Ait enim: **Iob. 24.**

Intellexisti hæc omnia?

illisq; dicentibus, [etiam] de profectu illorum
gloriabatur, dicens:

Ideo ois scriba doctus in regno cælorū, simi-

Ils est homini patrifamilias, q profert de the sauro suo noua & vetera.

Quod specialiter ad apostolos pertinere, ex eo manifestum est, quod homini patrifamilias comparantur, proferenti de thesauro noua & vetera. Si enim per noua & vetera uetus & nouum testamentum accipimus, Abraam & Moysen ceterosq; patres, qui ante domini aduentum fuerunt, noua cum veteribus non protulisse cognoscimus: quia et si noua narrauerunt, domini tamen incarnationem nouam corporalibus oculis uon uiderunt, sicut ipse discipulis suis ait: Multi reges & prophetæ uoluerunt uidere quæ uos uideritis, & non uiderunt & audiire quæ auditis, & non audierunt. Apostoli autem noua & vetera spiritualiter intellexerunt, & noua corporalibus oculis uiderunt. Quibus ipse ait:

Lu.10. Mandatum nouum do uobis, ut diligatis inuicem,
Matt.13. Siue aliter: Vetera ad pœnam, noua pertinent ad gloriam. Vetustum enim erat homini, post peccatum ire ad pœnam, cui aliquid nouum per redemptoris aduentū conrigit, quando bene operatis gloria est re promissa. Cum ergo dominus discipulos collaudat dicens, [Omnis scriba doctus in regno cælorum similis est homini patrifamilias, qui profert de thesauro suo noua & vetera,] ostendit hunc ordinem doctoribus in prædicatione seruandum, ut vetera proferant de terrore suppliçij, & noua de promissione præmij. Quod in his lectionis serie suo exemplo dominus ostendit, cum in prioribus similitudinibus incitauit ad præmium, & in sequentibus comminatur suppliçij.

gium, ostendens (ut dictum est) doctoribus, quia
sic bene operantibus debent promittere gloriam,
ut non cesserent peccantibus committant pœnam.
Quod etiam in lege figurate ostendit, quando per
Moysen tale præceptum dedit, dicens: Non accipi
es loco pignoris superiorem & inferiorem molam,
quia apposuit tibi animam suam. Superior enim
& inferior mola, spes & timor accipitur. Quasi
enim a debitori⁹us pignus accipimus, cum confes-
sionem peccatoris accipimus. Cui si pœnitenti⁹is spem
non repromittimus, ueniam negam⁹, superiorem
molum tollimus. Si autem peccatori securitatem
damus inferiorem abstrahimus. Sed utrumq[ue] ob-
seruandum est, ut sic pœnitentibus promittamus
ueniam, quatenus in peccato perseverantibus com-
minemur pœnam, ut quos non provocant ad be-
ne agendum præmia promissa, saltem denunciata
terreant supplicia. Tu autem domine miserere no-
stri.

Deu. 24

SERMO DE CONFES-
Sione Iesu ad patrem, & de iugie ius suau-
tate, & oneris leuitate.

Matthæi XI.

In illo tempore Respondens Iesus, dixit:
Confiteor tibi pater, domine cœli & terræ,
quia abscondisti hæc a sapientibus & pruden-
tibus. Et reliqua,

In fronte huius lectionis euangelicæ questio
iuboritur, cum nec superius, nec inferius descri-
batur, quod aliquis cum interrogasset. Legim⁹